

Jeste li se ikad zapitali kako to da...

... je 10 mm uvijek tačno 10 mm, i da to tačno odgovara 0,39 inča; da crveno svjetlo na semaforu svuda znači "stop" ili da možete pretraživati internet u cijelom svijetu?

To je zato što se sve to temelji na standardima. Evo još

10 DOBRIH RAZLOGA ZA STANDARDIZACIJU

STANDARDI OLAKŠAVAJU TRGOVINU: Od veličine rezervoara do zrna kafe, izbora spojnih elemenata za automobilske točkove ili činjenice da je ugovor isписан na papiru iste veličine kao i ostatak spisa: standardi se primjenjuju svuda i pomažu preduzećima da razvoj svojih proizvoda i usluga baziraju na specifikacijama koje su široko prihvaćene u njihovome sektoru. To im omogućava da ravnopravno konkurišu na svjetskom tržištu.

STANDARDI POMAŽU RAZVOJ OSIGURAVAJUĆI JE-DNAKE MOGUĆNOSTI: Standardi su važan izvor tehnološkog znanja za države u razvoju, te im olakšavaju i pojeftinjuju sudjelovanje u svjetskoj trgovini, jer definiraju svojstva koja proizvodi i usluge trebaju imati da bi ispunili očekivanja izvoznih tržišta.

Standardi pomažu u uklanjanju zapreka za ravnopravno sudjelovanje starijih osoba i osoba s posebnim potrebama u društvu.

STANDARDI ČINE SVIJET SIGURNIJIM: Bez obzira radi li se o mekim igračkama, oštrim alatima, prozorskom staklu otpornom na eksploziju, kacigama ili prevozu opasnih roba, utemeljenost na standardima osigurava da ti proizvodi služe svojoj svrsi i da smanje opasnosti. To je i razlog zašto kreditne i ostale kartice funkcioniraju i u inostranstvu - standardi pomažu da se provjere korisnici. Oni takođe pomažu u izbjegavanju piratstva i prevare.

STANDARDI UPUĆUJU I CERTIFICIRAJU KVALITET POSLOVANJA: Standardi i certifikacija čine mjerljivima bombastične izraze kao što su „korporativna društvena odgovornost“, „poslovna etika“ i „korporativno upravljanje“, kako bi se osiguralo da iza njih zaista nešto stoji.

STANDARDI STVARAJU ZDRAVU OKOLINU I OKOLINU ZA ZDRAVLJE: Standardi uređuju sve, od sigurnosti hrane, snabdijevanja zdravstveno ispravnom pitkom vodom i kvaliteta medicinskih uređaja, do primjene higijenskih načela za sve. Osiguravaju i opća pravila za rješavanje problema klimatskih promjena, kvaliteta zraka, vode i tla, snabdijevanja energijom, emisija i zračenja. Standardi su naučni i tehnološki temelj za zakonodavstvo.

STANDARDI SE BRINU ZA KUPCE: Standardi kupcima pružaju oslonac u pitanjima kvaliteta, sigurnosti i udobnosti, uskladjujući metode ispitivanja kvaliteta, označavanje proizvoda od mikrovalnih pećница do vreća za spavanje, pomoći u ličnom finansijskom planiranju u sve složenijem svijetu i još mnogo toga.

STANDARDI POTIČU RAZMJENU TEHNOLOGIJE I INOVACIJA: Standardizacija pomaže u univerzalnoj i globalnoj primjeni inovativnih tehnologija i znanja, te otvara tržišta za nove proizvode i međunarodnu suradnju. Bez obzira na to radi li se o upotrebi prirodnog gasa kao goriva za vozila, svemirskoj i avio-tehnologiji ili medicinskim proizvodima: standardi zbližuju svijet.

STANDARDI POMAŽU DA SE SVLADAJU KULTURNE I JEZIČKE RAZLIKE: Svijet ne govori istim jezikom i ono što je dobro prihvaćeno u jednoj kulturi u drugoj može predstavljati tabu. Standardi pomažu da se izbjegnu zabune, time što uskladjuju prikaz datuma i vremena, kodove jezika i država, te grafičke simbole i slike, uključujući one za osobe s posebnim potrebama.

STANDARDI POMAŽU ŠIRENJU ZNANJA PUTEM INFORMACIJSKE I KOMUNIKACIJSKE TEHNOLOGIJE: Standardi igraju važnu ulogu u omogućivanju interoperabilnosti na svim nivoima informacijsko-komunikacijske tehnologije, od korisničkog interfejsa, formata datoteka i *mark-up* jezika do semantike i sadržaja, u većini jezika i abeceda. Standardi za digitalnu televiziju omogućavaju proizvođačima multimedijalnih sadržaja da dopru do šire publike i zaštite korisnike od zastarjelosti informacija. Standardi za primjenu u bežičnoj mobilnoj telefoniji osiguravaju prekograničnu komunikaciju.

STANDARDI OMOGUĆAVAJU PRONALAŽENJE INFORMACIJA: Postoje Standardi za dodjeljivanje jedinstvenog i trajnog identifikatora svakoj knjizi (ISBN), časopisu (ISSN), pa čak i svakomu muzičkom djelu koje je ikad objavljeno (ISVVC), kako bi se mogli pronaći i identificirati na svim jezicima, bez obzira na nacionalne granice. Ti identifikatori olakšavaju i ostvarivanje autorskih prava i prava intelektualnog vlasništva i rješavanje sporova u vezi s njima, te uklanjanju nejasnoće kod pohranjivanja ili razmjene informacija.

Ukratko: Standardizacija pomaže stvaranju održivosti i koristi za sve ljudе u globalnom društvu.

A kakve to veze ima s terminima?

Terminologija odigrava značajnu ulogu u svim standardizacijskim poslovima bez obzira da li je to interni standard koji vrijedi unutar jednog preduzeća ili međunarodni standard. Standardi funkcioniraju samo ako svi razumiju o čemu se govoriti. Naročito, u kriznim situacijama termini moraju biti standardizovani da bi osigurali sigurnost. Osim toga, postoje i standardizovani principi i metode za terminološki rad.

Zašto standardi i standardizacija

Kako Vam
BAS može
pomoći

Želite
znati više
o nastajanju
BAS
standarda



INSTITUT ZA STANDARDIZACIJU
BOSNE I HERCEGOVINE

Zašto se
uključiti
u rad
Instituta

Kako pojedinci
ili organizacije
mogu doprinijeti
pripremanju
nacrta
standarda

Kako doći
do potrebnih
standarda